

АҚПАРАТТЫҚ ХАБАРЛАМА

2019 жылғы «19» сәуір

Зейнетақы активтері бойынша 2019 жылдың қаңтар-ақпан айларында есептелген инвестициялық табыс 25,42 млрд теңгені құрады

«БЖЗҚ» АҚ зейнетақы активтері бойынша 2019 жылдың қаңтар-ақпан айларында есептелген инвестициялық табысқа қатысты бұқаралық ақпарат құралдарының сауалдарына байланысты былайша түсініктеме береді.

2019 жылдың қаңтар-ақпан айларында зейнетақы активтері бойынша алынған инвестициялық табыстың құрылымы мынадай:

- бағалы қағаздар, орналастырылған салымдар және «кері РЕПО» операциялары бойынша сыйақы түріндегі табыстар 102,21 млрд теңге;
- бағалы қағаздарды нарықтық қайта бағалаудан орын алған шығындар (12,30) млрд теңге;
- шетелдік валютаны қайта бағалаудан орын алған шығындар (68,24) млрд теңге;
- басқа да шығындар 3,75 млрд теңгені құрады.

Осылайша зейнетақы активтері бойынша 2019 жылдың қаңтар-ақпан айларында есептелген инвестициялық табыстың жалпы сомасы 25,42 млрд теңге болды.

Салымшылар мен алушылардың зейнетақы активтерінің табыстылығы 2018 жылдың наурызы мен 2019 жылдың ақпаны аралығында (өткен 12 ай ішінде) 11 пайызды құрады. Бұл кезеңде инфляция деңгейі 4,8 пайызды көрсетті.

Инвестициялық қызмет туралы тиянақты есеп-қисап www.enpf.kz сайтында орналастырылған. Бұл есеп-қисапта салымшылардың зейнетақы жинақтарының қандай шарттар бойынша қандай қаржы құралдарына инвестицияланатындығы, сондай-ақ инвестициялық қызметтің нәтижелері көрсетілген.

БЖЗҚ 2013 жылғы 22 тамызда «ГНПФ» ЖЗҚ» АҚ негізінде құрылды. БЖЗҚ құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗҚ зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. 2016 жылғы 1 қаңтардан бастап зейнетақы активтерін басқару тиімділігін арттыру бойынша ұсыныстар жасау қызметі Ұлттық қорды басқару кеңесіне берілді. Зейнетақы заңнамасына сәйкес БЖЗҚ міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, зейнетақы төлемдерін, зейнетақы жинақтары мен төлемдерін жеке есепке алуды жүзеге асырады, салымшыға (алушыға) зейнетақы жинақтарының жай-күйі туралы ақпарат береді (толығырақ www.enpf.kz сайтында).

«БЖЗҚ» АҚ баспасөз орталығы
БАҚ үшін байланыстар: press@enpf.kz